



Трг правде 16, 76100 Брчко; Trg pravde 16, 76100 Brčko

Broj: PB-56/25
Brčko, 15.05.2025. godine

P L A N
ZA BORBU PROTIV KORUPCIJE PRAVOBRANILAŠTVA BRČKO
DISTRIKTA BOSNE I HERCEGOVINE

Brčko, maj 2025. godine

SADRŽAJ

I- UVOD

1.1. Definicija korupcije	str. 3
1.2. Osnovni podaci o instituciji.....	str.3
1.3. Nadležnost	str.3-4
1.4. Organizaciona struktura zaposlenih.....	str.4-5

II- STRATEŠKI I PLANSKI OKVIR ZA BORBU PROTIV KORUPCIJE

2.1. Plan za borbu protiv korupcije.....	str.5
2.2.Vremenski okvir Plana za borbu protiv korupcije.....	str.5
2.3. Eventualni rizici u implementaciji Plana za borbu protiv korupcije.....	str.5
2.4. Finansijska projekcija.....	str.6
2.5.Monitoring implementacije Plana za borbu protiv korupcije.....	str.6

III- TABELARNI PREGLED AKTIVNOSTI PLANA ZA BORBU PROTIV KORUPCIJE..str.7

U skladu sa Strategijom za borbu protiv korupcije Brčko distrikta BiH 2025.-2028. („Službeni glasnik Brčko distrikta BiH“, broj:13/25), Akcionim planom za provođenje Strategije za borbu protiv korupcije Brčko distrikta BiH („Službeni glasnik Brčko distrikta BiH“, broj:13/25) i Jedinstvenim smjernicama za izradu planova za borbu protiv korupcije, sa ciljem realizacije specifičnih mjera iz Akcionog plana za provedbu Strategije za borbu protiv korupcije, pravobranilac Brčko distrikta BiH, dana 15.05.2025. godine, donosi

PLAN ZA BORBU PROTIV KORUPCIJE 2025.-2028. GODINA

I- UVOD

1.1. Definicija korupcije

"Korupcija je svaka zloupotreba moći povjerena javnom službeniku i licu na političkom položaju, poslodavcu i radniku, koja može dovesti do privatne koristi tog lica, ili bilo kojeg drugog fizičkog ili pravnog lica.

*Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, čime se narušava odgovarajuće obavljanje bilo kakve dužnosti ili ponašanje očekivano od primaoca mita."*¹

1.2. Osnovni podaci o instituciji

Pravobranilaštvo Brčko distrikta Bosne i Hercegovine (u daljem tekstu: Pravobranilaštvo) je institucija osnovana Zakonom o Pravobranilaštvu Brčko distrikta Bosne i Hercegovine s ciljem da kao samostalni i nezavisni organ obavlja poslove pravne zaštite javne imovine, imovinskih prava i imovinskih interesa Brčko distrikta Bosne i Hercegovine (u daljem tekstu: Brčko distrikt BiH).

Pravobranilaštvo vrši svoju funkciju u skladu sa Ustavom BiH, Statutom Brčko distrikta BiH, kao i na osnovu zakona Bosne i Hercegovine, zakona Brčko distrikta BiH i drugih propisa.

Mandat Pravobranilaštva je da osigura da se imovina Brčko distrikta BiH koristi u skladu sa zakonom i da radnje koje Brčko distrikt BiH preduzima kao i poslovi u kojima je Brčko distrikt BiH jedna od strana budu u skladu sa zakonom.

1.3. Nadležnost Pravobranilaštva

Pravobranilaštvo obavlja poslove pravne zaštite javne imovine, imovinskih prava imovinskih interesa Brčko distrikta BiH, njegovih organa, institucija i pravnih lica koja se finansiraju u potpunosti ili pretežno iz budžeta Brčko distrikta BiH ili u odnosu na njih Brčko

¹ Član 2. stav (1) tačka a) Zakona o Kancelariji za prevenciju korupcije i koordinaciju aktivnosti na suzbijanju korupcije Brčko distrikta BiH („Službeni glasnik Brčko distrikta BiH“, broj:26/24)

distriktu BiH vrši osnivačka prava, i u postupcima pred sudovima i drugim nadležnim organima preduzima zakonom određene postupke i mjere za zaštitu javne imovine, imovinskih prava i imovinskih interesa Brčko distrikta BiH.

Takođe, Pravobranilaštvo navedene poslove obavlja i u odnosu na preduzeća u većinskom vlasništvu Brčko distrikta BiH, osim u predmetima radi naplate potraživanja za utrošenu struju, vodu, odvoz smeća (i druge komunalije i usluge) ukoliko ovi iznosi ne prelaze limit propisan u članu 15. stavu (3) Zakona o Pravobranilaštvu, kao i u drugim predmetima čija je vrijednost ispod limita propisanog u članu 15. stavu (3) navedenog zakona.


Nadalje, u postupku donošenja zakona i drugih propisa kojima se uređuju imovinskopravni odnosi, kao i prava i obaveze prema sredstvima u vlasništvu Brčko distrikta BiH i drugih subjekata iz člana 7. Zakona o Pravobranilaštvu, kao i javnih preduzeća u kojima Brčko distrikt BiH ima većinsko vlasništvo, obavezno se pribavlja mišljenje Pravobranilaštva. Subjekti iz člana 7. Zakona o Pravobranilaštvu su obavezni zatražiti mišljenje prije donošenje akata i zaključivanja ugovora kojima se regulišu finansijska i imovinskopravna pitanja, a posebno prije zaključivanja ugovora o kupoprodaji, zamjeni, zakupu, prijenosu na privremeno ili trajno korištenje stvari, ili sredstava uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća kao i drugih ugovora kojima se pribavljaju stvari ili raspolaze stvarima odnosno pravima.

Kada je predmet pravnog posla ili ugovora pokretna stvar ili imovinsko pravo čija vrijednost ne prelazi 15.000 KM na dan utvrđivanja vrijednosti, nije obavezno pribavljanje mišljenja.

1.4. Organizaciona struktura zaposlenih

U skladu sa Pravilnikom o unutrašnjoj organizaciji i sistematizaciji radnih mjesta u Pravobranilaštvu Brčko distrikta BiH, broj: PB-69/20 od 29.10.2020. godine, Pravobranilaštvo u organizacionoj strukturu čine dvije organizacione jedinice, i to:

- Pravobranilac i zamjenici pravobranioca i
- Stručna služba administracije.



II- Strateški i planski okvir za borbu protiv korupcije

2.1. Plan za borbu protiv korupcije

Plan za borbu protiv korupcije Pravobranilaštva 2025.-2028. predstavlja antikoruptivni dokument preventivnog karaktera kojim su definisane mjere ali i precizirane aktivnosti za borbu protiv korupcije s ciljem sprečavanja korupcije ali i podizanje svijesti zaposlenih o rizicima korupcije.

Obaveza donošenja navedenog dokumenta proizilazi iz strateškog okvira za borbu protiv korupcije Brčko distrikta BiH odnosno iz Strategije i Akcionog plana za borbu protiv korupcije u Brčko distriktu BiH 2025.-2028. godina (*opšte aktivnosti, 3.2.1.1. Izraditi plan za borbu protiv korupcije*).

2.2. Vremenski okvir Plana za borbu protiv korupcije

U skladu sa strateškim dokumentima za borbu protiv korupcije u Brčko distriktu BiH, vremenski okvir važenja Plana za borbu protiv korupcije u Pravobranilaštvu je četiri godine, odnosno isti se donosi za period 2025.-2028. godine.

2.3. Eventualni rizici u implementaciji Plana za borbu protiv korupcije

Rizici koji bi mogli uticati na implementaciju Plana za borbu protiv korupcije se odnose na:

- ✓ nedovoljnu angažovanost subjekta identifikovanih za provođenje aktivnosti,
- ✓ nedostatak komunikacije i koordinacije,
- ✓ nedostatak finansijskih i drugih resursa.

2.4. Finansijska projekcija

Akcionim planom za borbu protiv korupcije u Brčko distriktu BiH prilikom definisanja aktivnosti nisu precizirane finansijske implikacije koje će nastati realizacijom istih. S tim u vezi, Pravobranilaštvo će potrebna sredstva za realizaciju identifikovanih aktivnosti planirati u okviru budžeta institucije.

2.5. Monitoring implementacije Plana za borbu protiv korupcije

Proces kontinuiranog praćenja realizacije aktivnosti uspostavljen je Zakonom o Kancelariji za prevenciju korupcije i koordinaciju aktivnosti na suzbijanju korupcije Brčko distrikta BiH, na način da su uključene institucije/odjeljenja i drugi subjekti provođenja antikoruptivnih aktivnosti u obavezi da dva puta godišnje (tokom mjeseca januara i mjeseca jula), informišu Kancelariju o preduzetim aktivnostima iz strateških dokumenta i planova.

III- Tabela pregled aktivnosti za sprovođenje Plana za borbu protiv korupcije

3.2. Izrada antikoruptivnih dokumenata i unapređenja koordinacije između institucija u borbi protiv korupcije						
3.2.1. Antikoruptivni dokumenti i baze podataka						
R/ br	Broj aktivnosti	Naziv aktivnosti	Provodioci	Rok za provođenje	Indikator uspješnosti	Potrebni resursi
1.	3.2.1.1	Izraditi Plan za borbu protiv korupcije	Pravobranilaštvo Brčko distrikta BiH	I kvartal 2025. godine	Usvojen i objavljen Plan za borbu protiv korupcije	Raspoloživi resursi/u skladu sa funkcionalnim nadležnostima
2.	3.2.1.2.	Izraditi Plan integriteta	Pravobranilaštvo Brčko distrikta BiH	I kvartal 2027. godine	Usvojen i objavljen Plan integriteta	Raspoloživi resursi/u skladu sa funkcionalnim nadležnostima
3.	3.3.1.1.	Izvjestavanje o realizovanim i ne-realizovanim aktivnostima iz Akcionog plana u skladu sa Zkaonom o prevenciji korupcije i koordinaciji aktivnosti na suzbijanju korupcije	Pravobranilaštvo Brčko distrikta BiH	Dva puta godišnje (mjesec januar i juli)	Dostavljen izvještaj Kancelariji o realizovanim/nerealizovanim aktivnostima iz Akcionog plana 2025.-2028. godina	Raspoloživi resursi/u skladu sa funkcionalnim nadležnostima
4.	3.3.1.2	Izvjestavanje o provođenju mjera iz planova integriteta	Pravobranilaštvo Brčko distrikta BiH	Jednom godišnje	Dostavljen izvještaj Kancelariji o realizovanim aktivnostima iz plana integriteta	Raspoloživi resursi/u skladu sa funkcionalnim nadležnostima

